

АЗБУКА ВЕРЫ



Канон преподобному Макарию Жабынскому, Белевскому Чудотворцу

Молитвослов 2023

**Канон преподобному Макарию
Жабынскому, Белевскому Чудотворцу**

Св. Макарий Жаб. и Бѣл. чуд.



Глас 2

Песнь 1

Ирмос: Во глубинѣ постла иногда/ фараонитское всеоинство преоруженная сила,/ воплощаеся же Слово всезлбный грех потребило есть:/ Препрославленный Господь славно бо прославися.

Прпев: Преподобне отче Макарие, моли Бога о нас.

Господь, Царь Славы, прославляющия Его прославити обетова,/ на тебе же, преподобне, обоя устройшася,/ якоже бо ты прославил еси Господа в житий твоём,/ сице и ты прослави тобою прославленный Господь.

Прпев: Преподобне отче Макарие, моли Бога о нас.

Великий ангельский образ приял еси,/ крайняго смирения не оставль в житий твоём,/ с лики же ангельскими на Небеси ныне ликуеши./ За ны убо помолися, отче,/ ангельскими хвалами Препрославленному Господу.

Слава Отцу и Сыну и Святому Духу.

Трудами насадил еси,/ слезами молитвенными оросив, яко сад Божий, обитель твою, преподобне./ Приими убо и наша слезы умиления/ и ходатайственно вознеси я к Престолу Препрославленнаго Господа.

И ныне и присно и во веки веков. Аминь.

Богородичен: К Богородице о нас помолися, отче преподобне,/ да умолит Сына Своего помиловати нас,/ славно да прославится в милости Своей Препрославленный Господь.

Песнь 3

Ирмос: Процвела есть пустыня, яко крин, Господи,/языческая неплодящая, Церковь/пришествием Твоим,/ в нейже утвердися мое сердце.

Прпев: Преподобне отче Макарие, моли Бога о нас.

Процвела есть Жабинская пустыня/ за молитвы избранника Твоего, Господи, преподобнаго пустынножителя Макария,/ в нейже да обрящем утешение,/ здравие же и спасение заступлением преподобнаго.

Прпев: Преподобне отче Макарие, моли Бога о нас.

Чудес дарованием благоволи Господь ты прославити, смиреннаго/ и много лет яко бы забвеннаго,/ да немощным нам подаст благовременную помощь/ и вере нашей оскудевающей укрепление.

Слава Отцу и Сыну и Святому Духу.

Богоносе отче Макарие,/ Богу непрестанный о нас был еси молитвенник/ и Пресвятаго Утешителя Духа в сердце твоём носил еси./ Но убо воздвигни от сна греховнаго/ и от

искушения диавольскаго огради ны, молящияся тебе.

И ныне и присно и во веки веков. Аминь.

Богородичен: Богородительнице Благая, моли о нас/ и наша недостойныя молитвы принеси ко Престолу Благого Сына Твоего,/ и Твоим да будет сомолитвенником о нас Макарий преподобный.

Седален, глас 4

На твердем веры камени утвержден сый,/ в безмолвии подвизаяся, течение постничества добре скончал еси/ и мздовоздаяние от Христа приял еси,/ Ему же ныне молися, всеблаженне,/ в вере и добродетелех нас утвердити.

Слава Отцу и Сыну и Святому Духу, и ныне и присно и во веки веков. Аминь.

Богородичен: Ты покров мой от напастей вражиих, Владычице,/ Ты свет сердцу моему,/ печальми житейскими омраченному, присно буди, Богородице, и спаси мя.

Песнь 4

Ирмос: Пришел еси от Девы, не ходатаи, ни Ангел,/ но Сам, Господи, воплощся,/ и спасл еси всего мя, человека./ Тем зову Ти: слава силе Твоей, Господи.

Прпев: Преподобне отче Макарие, моли Бога о нас.

От Девы Пречистой на землю пришел еси, во еже спасти нас, Господи,/ и от спасенных великое множество прославил еси,/ да не токмо Ты у Престола Твоего славословят,/ но и о нас ходатайствуют./ Веруем убо, яко в сонме том пресветлом/ предстательствует о нас преподобный отец наш Макарий.

Прпев: Преподобне отче Макарие, моли Бога о нас.

От отечества нашего взят был еси в Небесное Царствие, отче преподобне./ Не забуди убо чад твоих, избранниче Божий Макарие,/ еще пришельствующих на земли.

Слава Отцу и Сыну и Святому Духу.

Буди с нами, отче наш Макарие,/ да с тобою дерзновенно Бога Отца прославим,/ Сына превознесем и Святому Духу поклонимся.

И ныне и присно и во веки веков. Аминь.

Богородичен: С Богородицею, вслед Ея, мыслию во святая внидем/ и к Ней во смирении притедем, в покаянии зовуще:/ Спасительнице, спаси нас.

Песнь 5

Ирмос: Ходатай Богу и человеком был еси, Христе Боже:/ Тобою бо, Владыко, к Светоначальнику, Отцу Твоему,/ от нощи неведения/приведение имама.

Прпев: Преподобне отче Макарие, моли Бога о нас.

Нóщи неведения прешédшей прибли́жися день спасéния,/ и Свет мíру возсия́ - Христóс
Госпóдь./ К Семý úбо ны́не, моли́твами преподóбнаго Мака́рия,/ от грехóвныя нóщи приведéние
íмамы.

Прпиев: Преподóбне óтче Мака́рие, моли́ Бóга о нас.

Нóщию в петлоглашéние,/ íмже Госпóдь пришéствие Своé вторóе назна́менова,/ к тебе́ Госпóдь
прииде́ дýшу твою́ прия́ти, преподóбне,/ моли́твами же твои́ми вложи́ в дýши на́ша па́мь
смéртную.

Сла́ва Отцý и Сы́ну и Свято́му Дýху.

Но́щь многоле́тняя пре́йде,/ в ню́же бе под спýдом па́мь тво́я, óтче наш,/ но сия́ ны́не яви́ся,
светя́щи всем,/ я́же в твоéй хра́мине суть,/ в ню́же мы, véрою и любóвию влеко́ми, приведéние
íмамы.

И ны́не и прýсно и во ве́ки веко́в. Ами́нь.

Богородичен: Не бо́йся, ма́лое ста́до,/ я́ко благоизво́ли Оте́ц ваш да́ти вам Ца́рство, глаго́лет
Госпóдь./ И не изнемо́же глаго́л сей у Го́спода,/ уже́ бо дости́же заве́щаннаго Ца́рства па́стырь
наш,/ да привлече́т с собо́ю все ста́до своé моли́твами Богоро́дицы.

Песнь 6

Ирмос: В бéздне грехóвней валя́лся,/ неизсле́дную милосéрдия Твоего́ призыва́ю бéздну:/ от
тли, Бо́же, мя возведи́.

Прпиев: Преподóбне óтче Мака́рие, моли́ Бóга о нас.

Бéздна милосéрдия Бо́жия бéздну грехóв на́ших да превозмо́жет,/ ничесóже от нас взыску́ючи,
ра́зве слез покая́ния умилéннаго,/ о сем помоли́ся за ны, преподóбне óтче наш.

Прпиев: Преподóбне óтче Мака́рие, моли́ Бóга о нас.

От бéздно грехóвной помози́ нам, Бо́же, возникнути,/ моли́твами преподóбнаго Мака́рия
сподо́би ны пре́жде конца́ пока́яться/ и Твои́х Божéственных Тайн прича́стником бы́ти.

Сла́ва Отцý и Сы́ну и Свято́му Дýху.

Сла́вим Тя, Свята́я Трóице,/ и диви́мся бéздне милосéрдия Твоего́ к нам, мно́го согреша́ющим./
Но ещé долготерпи́ о нас, Бо́же наш,/ до́ндеже пока́емся со слеза́ми,/ прýсно помина́юще
последняя́ своя́.

И ны́не и прýсно и во ве́ки веко́в. Ами́нь.

Богородичен: Чýстую чýсто почти́м/ и устыди́мся пред лице́м Ея́ скве́рнаго жити́я на́шего,
óтче преподóбне!/ Ты úбо наста́ви ны досто́йно чти́ти Ма́терь Бо́жию Пречýстую.

Кондак, глас 8

Жити́е чýстое, терпе́ние, крóтость и любóвь нелицеме́рну,/ воздержáние соверше́нное,/
умилéние Божéственное,/ véру же и наде́жду íстинну и милосéрдие стяжа́в,/ равноа́нгельно,
Мака́рие, на земли́ пожил еси́/ и на Небеси́ Бо́гови с ли́ки Безплóтных предсто́иши./ С ни́ми же,

святѣ, моли́ся/ мир Россі́стей Цѣркви дарова́ти/ и душа́м на́шим ве́лию ми́лость.

Икос

Ангельски на земли поживша,/ преподобнаго отца́ нашего Мака́рия, прииді́те, лю́дие,
соше́дшеся, восхва́лим,/ си́це к нему́ реку́ще:/ ра́дуйся, на земли поживый небесно; ра́дуйся, во
плоти́, а́ки безплотен, подви́завыйся./ Ра́дуйся, стра́сти до конца́ умертвивый и безстра́стия
дості́гнувый;/ ра́дуйся, ду́шу твою́ дарова́ньми Ду́ха Свята́го испо́лнивый./ Ра́дуйся, обі́тель
возградивый и иноков собра́вый;/ ра́дуйся, па́стырским жезло́м твоим во огра́ду Небесную́ ты́я
управивый./ Ра́дуйся, гра́да Белёва похвало́;/ ра́дуйся, пусты́ни твоея́ непоколебимое
утвержде́ние./ Ра́дуйся, прі́сно моля́щийся Господеви мир Россі́стей Цѣркви дарова́ти/ и
душа́м на́шим ве́лию ми́лость.

Песнь 7

Ирмос: Богопроті́вное велѣ́ние беззако́ннующаго мучі́теля/ высо́к пла́мень вознесло́ есть./
Христосъ же простре́ Богочесті́вым о́тrockом росу́ духовную́,/ Сый благословѣ́н и препросла́влен.

Прпев: Преподобне́ о́тче Мака́рие, моли́ Бо́га о на́с.

Сый благословѣ́нный Христосъ Бог наш/ да изба́вит нас огня́ ге́енскаго,/ со слеза́ми пока́янными
о сем помолі́мся./ Кто же ны́не даст очесѣ́м на́шим исто́чник слез,/ а́ще не ты, о́тче,
блаже́нство пла́ча позна́вый в житі́и твоѣ́м.

Прпев: Преподобне́ о́тче Мака́рие, моли́ Бо́га о на́с.

Высо́кий пла́мень неве́рия и нечесті́я возно́сит беззако́ннующий./ Но мы сохра́нити ве́ру
потщі́мся,/ убежи́м нечесті́я, убои́мся пла́мене ге́енскаго,/ ко Христу́ прите́чем и у Него́ с
Мака́рием блаже́нство улучі́м.

Сла́ва Отцу́ и Сы́ну и Свято́му Ду́ху.

Еди́н Сый Святы́я Трои́цы, Христэ́ Бо́же наш!/ Сотвори́ в нас обі́тель, по обетова́нию Твоему́,/ с
Преблагословѣ́нным и Препросла́вленным Твои́м Отце́м и со Святы́м Ду́хом,/ жи́зни и утешѣ́ния
Подателе́м.

И ны́не и прі́сно и во ве́ки веко́в. Ами́нь.

Богородичен: Ра́дуйся, Влады́чице, и ра́дость нам пода́ждь, от бед спаси́,/ в ми́ре Цѣрковь
Сы́на Твоего́ сохра́ни/ и умоли́, да благослови́т я́ко досто́яние Своѣ́.

Песнь 8

Ирмос: Пещь иногда́ о́гненная в Вавило́не де́йства разделя́ше,/ Бо́жиим велѣ́нием халде́и
опаля́ющая,/ ве́рныя же ороша́ющая, пою́щия:/ благослови́те, вся, дела́ Господня́, Го́спода.

Прпев: Преподобне́ о́тче Мака́рие, моли́ Бо́га о на́с.

В телеси́ Ангела, почтѣ́м Мака́рия, блаже́нству тезоимені́таго,/ и, подража́я его́ житію́ во
Христэ́,/ понѣ́ еди́наго от блаже́нств Ева́нгельских дості́гнути потщі́мся.

Прпев: Преподобне́ о́тче Мака́рие, моли́ Бо́га о на́с.

Огнь искушений греховных палит мя,/ но страждущую мою душу ороси росью благодати Христовой/ и твоими молитвами, блаженне.

Слава Отцу и Сыну и Святому Духу.

Да пребудет благословение твое Богоугодное во Имя Пресвятыя Троицы/ на обители твоей, и на земли отечества твоего,/ и на всех, тебе усердно призывающих, отче преподобне.

И ныне и присно и во веки веков. Аминь.

Богородичен: Донныне и во веки блажим Тя, вси роди, Святая Богородительнице./ Спаси нас, яко Спаса родила еси душ наших.

Песнь 9

Ирмос: Безначальна Родителя Сын, Бог и Господь,/ воплощся от Девы, нам явися,/ омраченная просветити, собрати расточенная./ Тем Всепетую Богородицу величаем.

Припев: Преподобне отче Макарие, моли Бога о нас.

Со ангельскими чинми, хвалящими Господа,/ и с Богородицею Того хвалити сподобился еси,/ сподоби же и нас, преподобне отче наш,/ да с тобою Господа славим и Богородицу величаем.

Припев: Преподобне отче Макарие, моли Бога о нас.

Ангели, вхождение Пречистыя во святая святых зряще, удивившася./ Мы же дивимся,/ како во святой храм, трудами твоими созданный на месте, варвары разоренном,/ чудотворною иконою своею вниде Пречистая,/ Юже, яко Всепетую Богородицу, величаем.

Слава Отцу и Сыну и Святому Духу.

Бога Отца прославим, тебе, Богоносному отцу нашему, последующе,/ Божественного Сына возвеличим,/ да с Ним и всыновление Отчее приимем,/ Святому Духу поклонимся, да научит ны молиться, якоже подобает,/ да и Сам, вопия в душах наших,/ укрепит нас к Богу сыновне вопити: Авво, Отче!

И ныне и присно и во веки веков. Аминь.

Богородичен: Радуйся, Радосте наша!/ Пребуди с нами, яко да и Господь, Иже с Тобю, в нас пребудет./ Собери во двор церковный овцы расточенныя,/ отпадшия возврати к соединению,/ просвети омраченных неверием,/ да вси вкупе Тя, Всепетую Богородицу, величаем.

Светилен

Светозарна светильника веры, во стране нашей возсиявша/ и солнца светлейше чудесы своими нас просвещша,/ Макария преподобнаго, блаженству тезоименнаго, песнями восхвалим.

Слава Отцу и Сыну и Святому Духу, и ныне и присно и во веки веков. Аминь.

Богородичен: Богородице Дево, радуйся,/ от Ангела радость приимшая,/ радуйся, Владычице, и спаси на Тя уповающия.